

SUK.D200(06)600/9/Jld 17(1)



KERAJAAN NEGERI KELANTAN

PEKELILING PERKHIDMATAN NEGERI BILANGAN 1 TAHUN 2022

BANTUAN KHAS KEWANGAN AIDILFITRI TAHUN 2022

1. TUJUAN

- 1.1 Pekeliling Perkhidmatan Negeri ini adalah bertujuan untuk menjelaskan keputusan Kerajaan Negeri Kelantan mengenai Bantuan Khas Kewangan Aidilfitri Tahun 2022 kepada Pegawai Perkhidmatan Awam Negeri Kelantan.

2. LATAR BELAKANG

- 2.1 Majlis Mesyuarat Kerajaan Kali Ke 7/2022 yang bersidang pada 6 April 2022 telah bersetuju memberi **Bantuan Khas Kewangan Aidilfitri Tahun 2022 kepada Penjawat Awam Negeri Kelantan sebanyak RM1,000.00 dan lantikan politik Pentadbiran Awam Negeri Kelantan sebanyak RM500.00 termasuklah penghulu, kakitangan pegawai halaqat dan lantikan politik yang dibayar secara elaun bulanan. Bantuan Khas Kewangan Aidilfitri Tahun 2022 ini juga turut dipanjangkan kepada Guru Al-Quran dan Guru Fardu Ain sebanyak RM250.00.**

3. PEGAWAI YANG LAYAK

- 3.1 Bayaran layak diberikan kepada:
 - (i) pegawai Perkhidmatan Awam Negeri Kumpulan Pengurusan dan Profesional serta Kumpulan Pelaksana Gred 56 dan ke bawah yang masih berkhidmat pada 22 April 2022 sebanyak RM1,000.00 adalah merupakan:

- a. pegawai lantikan tetap, sementara, *Contract Of Service (COS)*, *Contract For Service (CFS)*, berelaun dan sambilan;
- b. pegawai yang bercuti bergaji penuh;
- c. pegawai yang bercuti separuh gaji;
- d. pegawai yang bercuti tanpa gaji; dan
- e. pegawai yang dipinjamkan termasuk ke agensi yang diasingkan pengurusan saraannya. Bantuan Khas Kewangan ini akan dibayar oleh agensi yang menerima peminjaman pegawai.

(ii) Pegawai lantikan politik layak dibayar sebanyak RM500.00 adalah:

- a. Penghulu (Mukim dan Tanpa Mukim Parlimen/Dun);
- b. Halaqat (Ketua Pengelola, Timbalan Ketua Pengelola, Pengelola Kawasan, Pegawai dan Pembantu Halaqat);
- c. Ahli- Ahli Majlis; dan
- d. Penyelaras ICT Dun dan Penyelaras Pembangunan Armalah DUN.

(iii) Bayaran sebanyak RM250.00 adalah:

- a. Guru Al-Quran
- b. Guru Fardu Ain

3.2 Pesara Kerajaan Perkhidmatan Awam Negeri yang menerima pencen dan termasuk penerima pencen terbitan di bawah undang-undang pencen dan pesara Skim Kumpulan Wang Simpanan Pekerja (KWSP) yang bersara daripada Perkhidmatan Awam Negeri apabila mencapai opsyen umur persaraan pada atau sebelum 22 April 2022 akan dibayar sebanyak RM250.00 oleh Jabatan Perkhidmatan Awam.

3.3 Pesara Perkhidmatan Awam Negeri yang dilantik semula secara *Contract Of Service (COS)*, *Contract For Service (CFS)*, berelaun dan sambilan dan masih berkhidmat pada 22 April 2022 layak dibayar sebanyak RM1,000.00. Pembayaran sebanyak RM250.00 akan dibuat oleh Jabatan Perkhidmatan Awam dan bakinya sebanyak RM750.00 akan dibayar oleh jabatan di mana pegawai sedang berkhidmat.

3.4 Pegawai Perkhidmatan Awam Negeri yang meninggal dunia pada 22 April 2022 layak diberi Bantuan Khas Kewangan Aidilfitri Tahun 2022 sebanyak RM1,000.00.

4. PEGAWAI YANG TIDAK LAYAK

4.1 Pembayaran ini tidak layak diberikan kepada;

- (i) pegawai dalam Kumpulan Pengurusan Tertinggi dan setaraf termasuk pegawai yang memangku, diluluskan Elaun Tidak Berpencen (ETB), dipinjam/ tukar sementara dan penempatan khas ke Gred Jawatan Utama/ Gred Khas;
- (ii) pegawai yang dijatuhkan hukuman tatatertib dalam tempoh 1 Januari 2022 hingga 22 April 2022;
- (iii) pegawai yang ditamatkan perkhidmatan demi kepentingan awam dalam tempoh 1 Januari 2022 hingga 22 April 2022;
- (iv) pegawai yang meletak jawatan dalam tempoh 1 Januari 2022 hingga 22 April 2022; dan

- (v) pegawai berpencen yang melepaskan hak pencen kerana menyertai Badan Berkanun Yang Diasingkan Saraan.

4.2 Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib ditangguhkan Bantuan Khas Kewangan Aidilfitri Tahun 2022 ini. Pegawai hanya layak dibayar sekiranya Pihak Berkuasa Tatatertib mendapati pegawai tersebut tidak bersalah.

5. **TARIKH PEMBAYARAN**

Bantuan Khas Kewangan Aidilfitri Tahun 2022 ini dibayar pada **22 April 2022** dan menjadi tanggungan jabatan di mana pegawai berkhidmat pada tarikh pembayaran.

6. **TARIKH KUAT KUASA**


Pekeliling Perkhidmatan Negeri ini berkuatkuasa serta merta.

7. **PEMAKAIAN**

Pekeliling ini terpakai kepada semua Perkhidmatan Awam Negeri, Pihak Berkuasa Tempatan Negeri dan Badan Berkanun Negeri.

Sekian, terima kasih.

“RAJA BERDAULAT, RAKYAT MUFAKAT, NEGERI BERKAT”
“WAWASAN KEMAKMURAN BERSAMA 2030”



(DATO' DR. TENGKU MOHAMED FAZHARUDEAN BIN TENGKU FEISSAL) D.J.M.K (Kelantan)
(TENGKU KAYA PERKASA)

Timbalan Setiausaha Kerajaan (Pembangunan) Negeri Kelantan.

PEJABAT SETIAUSAHA KERAJAAN
NEGERI KELANTAN

Bertarikh : **10** Ramadan 1443H
12 April 2022

SENARAI EDARAN :

- Yang Berhormat Dato' Setiausaha Kerajaan Negeri Kelantan
- Semua Ketua Jabatan Negeri
- Semua Pihak Berkuasa Tempatan Negeri
- Semua Badan Berkanun Negeri
- Semua Ketua Pengurusan Urusetia Kerajaan Negeri Kelantan
- Semua Ketua Bahagian, Pejabat Setiausaha Kerajaan Negeri Kelantan